

**Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE**



**Broj: 01-17/12  
Vareš, 30.01. 2012. godine**

Na osnovu člana 13. stav 2. alineja 11 Zakona o principima lokalne samopuprave u Federaciji Bosni i Hercegovini ("Sl. novine FBiH," broj 49/06) i člana 22. tačka 13. Statuta Općine Vareš, broj 01-25/09 od 29.01. 2009. godine, Općinsko vijeće Vareš na 35. sjednici održanoj dana 30.01. 2012. godine, d o n o s i

## **ODLUKU o utvrđivanju Dana općine Vareš**

### **Član 1.**

Dan općine Vareš je 16. august.

### **Član 2.**

Povodom Dana općine dodjeljuju se općinska priznanja.

### **Član 3.**

Način obilježavanja Dana općine Vareš, općinska priznanja i postupak njihove dodjele uređuju se posebnom Odlukom općinskog vijeća Vareš.

### **Član 4.**

Ova odluka stupa na snagu osmog dana od dana objavljivanja na oglasnoj tabli Općinskog vijeća Vareš a objavit će se i u Informativnom biltenu općine Vareš.

**PREDSJEDAVAJUĆI  
OPĆINSKOG VIJEĆA**

**Josip Malbašić**

Odluka objavljena na oglasnoj tabli Općine Vareš dana 31.01. 2012. godine

**OPĆINSKI NAČELNIK**

**Hamdo Fatić**

## **O b r a z l o Ź e n j e**

### **1. Pravni osnov**

Pravni osnov za donošenje ove Odluke proizilazi iz obaveze da Općina Vareš, kao jedinica lokalne samouprave s pravima i obavezama utvrđenim Ustavom i zakonom proglasi svoj dan u skladu sa članom 13. stav 2. alineja 11. Zakona o principima lokalne samouprave u Federaciji Bosni i Hercegovini ("Sl. novine FBiH", broj 49/06), prema kojem Općinsko vijeće donosi odluke o proglašenju praznika jedinica lokalne samouprave i članom 22. tačka 13. Statuta Općine Vareš, broj 01-25/09 od 29.01. 2009. godine, prema kojem Općinsko vijeće donosi Odluku o proglašenju Dana općine Vareš.

### **2. Razlozi za donošenje**

Svi dosadašnji pokušaji da se dođe do konsenzusa u pogledu određivanja Dana općine nisu donijeli konkretne rezultate.

Shodno ranije utvrđenim zaključcima Općinskog vijeća Vareš da se ne uzimaju u obzir datumi iz dva perioda (1941-1945. i 1991-1995), na Javni poziv za dostavljanje prijedloga Dana općine Vareš u predviđenim roku dostavljeno je 12 prijedloga.

Komisija za odabir prijedloga Dana općine u sastavu: Jasmina Šijak – predsjednik, Marina Drijenčić – član, Mirnes Hrvat – član, Mario Jerković – član i Jovan Rašević – član, na sjednici održanoj 07. marta 2011. godine razmatrala je sve pristigle prijedloge i donijela konačnu rang-listu prijedloga za dan općine Vareš koja glasi:

- I mjesto: 12. maj/svibanj,
- II mjesto: 16 august/kolovoz,
- III mjesto: 07. juli/srpanj,
- IV mjesto: 21. decembar/prosinac.

Sva četiri navedena datuma ispunjavaju i uvažavaju sve uslove navedene u Javnom pozivu. Stoga za Dan općine predlažem 16. august kao datum kada je davne 1891. godine potpaljena prva visoka peć u Varešu, čime je označen privredno-ekonomski razvoj općine i početak moderne izgradnje gradskog područja i ruralnih sredina općine Vareš.

### **3. Finansijska sredstva**

Za donošenje i provođenje ove Odluke potrebno je u općinskom budžetu za 2012. godinu planirati finansijska sredstva u iznosu od 5.000 KM.

Predlažem da Općinsko vijeće Vareš usvoji ovu Odluku u navedenom tekstu.

**PREDLAGAČ:  
OPĆINSKI NAČELNIK**

**Hamdo Fatić**